

德甲聯賽剛過一半，班霸拜仁慕尼黑上半季展現強勢，無論首循環成績及入球，都創下聯賽62年歷史最佳成績。尤其歇冬後第一仗，主場立即貢獻8:1大炒禾夫斯堡入球騷！賽後總監艾保爾被問到，對此役共交出3個入球同3個助攻，並策動球隊大部分攻勢的一雙翼鋒——米高奧利斯（Michael Olise）及路易斯迪亞斯（Luis Diaz）睇法時，艾保爾笑着說：「你哋問得好，我哋啱啱喺更衣室都討論緊佢兩個，我可以喺度宣布，拜仁嘅『奧利亞斯』（Oliasz）已經誕生！」

洛賓列貝利後繼有人

拜仁新魔翼 奧利亞斯誕生

洛賓列貝利與奧利亞斯在拜仁取得重大成功。

奧利亞斯與奧迪亞斯合作如魚得水。



經過多年來，荷蘭右翼洛賓（Arjen Robben）與法國左翼列貝利（Franck Ribery），一直是拜仁「太上王」烏利漢尼斯最自豪的收購，是球隊多年來最引以為傲的世界級「魔翼」。兩人於2009至19年，共同為拜仁開拓一時盛世，並於2013年贏得5冠王登上頂峰！列貝利當年擊敗美斯與C朗，贏得歐洲最佳球員獎，只可惜在金球獎選舉屈居季軍，令他本人、拜仁甚至黑柴都耿耿於懷，並從此對金球獎的認受性大大減低。洛賓與列貝利當年，被冠以用兩人姓氏結合的『洛貝利』（Robbery）綽號，艾保爾指這是拜仁隊史攻擊組合的最高榮譽，如今終於有『奧利亞斯』接班。

24歲的法國右翼米高奧利斯，今季德甲首循環交出9個入球同12個助攻（連同各項賽事12球19助攻）；至於29歲哥倫比亞左翼路易斯迪亞斯，聯賽首循環亦有9個入球10個助攻（連同各項賽事13球12助攻），今季由這位前利物浦球星，取代離隊轉投加拉塔沙雷的「敗家仔」利萊辛尼，拜仁雙翼的威力立即大幅度提升！兩人在首循環聯賽直接及間接參與了40個入球，不但比昔日「洛貝利」任

何一季同期更加優勝（2013/14球季首循環只合力參與了24球），甚至是德甲史上最佳數據。艾保爾興奮地說：「奧利亞斯球風細膩優雅，極富創造力，而且同樣喜歡在右路切入中路射門，絕對有洛賓影子；迪亞斯同樣充滿創意，更擅長製造混亂，底線傳中功架一流，一對一個人突破能力，足以成為新一代的列貝利！」

教練高柏尼要求更高

不過，拜仁少帥高柏尼卻想將對「奧利亞斯」的讚美推遲一點：「我有資格講，因為喺2013年，以隊長同中堅身份代表曼城，喺歐聯到訪慕尼黑同拜仁對戰。當時我哋盡咗一切努力，但防線一樣俾『洛貝利』輕鬆瓦解，結果我哋以1:3輸咗俾拜仁！我對洛賓同列貝利高度尊重，依家我唔想用奧利亞斯及迪亞斯同佢哋比較，太早啦，等兩人幫拜仁贏得更多冠軍之後，我至回答關於呢個接班話題啦！」

艾保爾（拜仁體育總監）



高柏尼（拜仁教頭）

奧利亞斯首循環數據

德甲	17戰	9入球	12助攻
德盃	3戰	2入球	2助攻
歐聯	6戰	1入球	5助攻

迪亞斯首循環數據


德甲	16戰	9入球	10助攻
德盃	3戰	1入球	1助攻
歐聯	4戰	3入球	1助攻



米高奧利斯



路易斯迪亞斯



拜仁教頭高柏尼（左）球員時代曾與洛賓較量。



哈利卡尼相信可以幫助拜仁贏得歐聯。



奧雲看不起德甲。

誓捧歐聯 卡尼要打臉奧雲

曾效力利物浦、皇家馬德里及曼聯的46歲英格蘭名宿奧雲，近日高調批評英格蘭強鋒哈利卡尼，直指他選擇投奔德甲加盟拜仁，是最錯誤的決定：「如果你喺8年前問哈利卡尼，離開熱刺想去邊隊，我認為可能係曼聯、曼城、皇馬或者巴塞隆拿。拜仁？肯定唔會係佢嘅前6名選擇囉！」奧雲指年過30的卡尼最終加盟拜仁，只因為未嘗捧盃滋味，但德甲冠軍的分量，根本無法與英超及歐聯榮譽相比。奧雲更放下狠話：「佢係尊貴嘅英格蘭最強前鋒，留喺英超可以打破好多紀錄，可以挑戰重大榮譽。去拜仁係自降身價，我唔相信拜仁可以為佢贏得歐聯冠軍，將來佢一定會後悔呢個選擇！」

對於奧雲的批評，哈利卡尼回應說：「每個人都有權利發表自己意見，我同佢唔熟，唔係好了解佢，雖然，作為英超傳奇人物，我都尊重呢個人嘅！」卡尼表示選擇拜仁，對個人而言是最佳選擇：「人人嘅職業生涯都唔同，我嚟拜仁除咗為捧盃外，更想盡可能長時間保持喺最高水準！依家我喺各方面水平都正不斷提高，尤其爭取入波方面，不斷突破自己嘅極限！我全家人喺慕尼黑都好開心，我認為加盟拜仁係最佳決定！」談到歐聯錦標及隊友「奧利亞斯」時，卡尼說：「我同拜仁嘅隊友，都視歐聯冠軍為目標，我想證明奧雲嘅睇法係錯誤嘅！至於拜仁新魔翼問題，我覺得洛賓同列貝利擁有難以超越嘅成就，但佢哋合作多年至有豐功偉績，相反奧利亞斯同迪亞斯第一季合作就有咁好表現，將來完全有機會達到前輩水平。如果我哋想喺今季歐聯取得成功，絕對需要佢兩個繼續交出高水準！」